

Norihan Binti Anah

From: Unit Komunikasi Korporat
Sent: Sunday, December 10, 2017 6:59 PM
To: UUM - All Staff; UUM - All Students
Subject: Run For Hope Kutip Dana Untuk Penghidap Autisme



Unit Komunikasi Korporat
CORPORATE COMMUNICATION UNIT
Universiti Utara Malaysia



10 DISEMBER 2017 / 21 RABIULAWAL 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media
Gambar oleh: Persatuan Pusat Asasi Pengurusan

RUN FOR HOPE KUTIP DANA UNTUK PENGHIDAP AUTISME



UUM ONLINE: Exco Sukan Persatuan Pelajar Pusat Asasi Pengurusan sesi 2017/2018 berjaya mengutip dana hampir RM2,000 menerusi larian amal Run For Hope 2017 yang diadakan di Pusat Sukan, semalam.

Pengarah program, Adam Aiman Muhammad Razlan berkata, seramai 380 peserta telah menyertai program tersebut yang turut melibatkan peserta dari Perlis selain negeri ini.

Menurutnya, tujuan larian itu adalah untuk mengutip dana buat Persatuan Kebangsaan Autisme Malaysia (NASOM) Cawangan Alor Setar yang mana sebanyak RM5 daripada jumlah yuran yang dikenakan kepada setiap peserta akan disumbangkan kepada NASOM.

“Program ini juga secara tidak langsung dapat melahirkan pelajar yang seimbang daripada segi jasmani, emosi, rohani, intelek dan sosial selaras dengan Falsafah Pendidikan Kebangsaan.

“Larian amal ini turut mendapat kerjasama Suruhanjaya Pencegahan Rasuah Malaysia (SPRM) Kedah dan Jabatan Integriti dan Tadbir Urus (JITU) Kedah,” katanya.

Timbalan Naib Canselor (Hal Ehwal Pelajar dan Alumni) UUM, Prof Dr Abdul Malek Abdul Karim hadir merasmikan Run For Hope 2017.

Kata beliau, program tersebut memberi peluang kepada pelajar dan masyarakat untuk menghulurkan bantuan kepada golongan memerlukan dalam bentuk yang lebih menarik.

Run For Hope mempertandingkan tiga kategori iaitu Terbuka Lelaki sejauh 8 kilometer (km), Terbuka Perempuan (8km) serta Keluarga dan Rakan-Rakan (3km).

Tempat pertama bagi kategori Terbuka Lelaki dimenangi oleh G. Thinan, 18, dari Sekolah Menengah Kebangsaan Amanjaya, Sungai Petani dan Terbuka Perempuan dimenangi oleh Teoh Kim Chyi dari Politeknik Tuanku Sultanah Bahiyah yang masing-masing menerima RM300, pingat dan sijil penyertaan.

Tempat kedua dan ketiga bagi dua kategori tersebut masing-masing menerima RM200 dan RM100.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
✉ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.